



UPA17/124

18.april 2017
Mimi Karlsen

Uunga siunnersuut: Nunap aqqinik Aalajangiisartut pillugit Inatsisartut inatsisaat nr. xx, xx.xxx2017-imeersoq.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Inuit Ataqatigiit Naalakkersuisut isumaqatigaat oqarmata Kalaallit Nunaata nunat aqqi pisuussutigigai. Atit oqaatsitsinnit aallaaveqartariaqarput. Nunamik qanoq atuinerput, susimanerput ingammillu silap, nunap immallu pissusiinik oqaasertalikkatsinnik nunat atsersorneqartarsimapput. Taamaattumik inuiaqatigiinni qitiusumik kulturimut tunngavittut inissisimallutik, inooriaatsitsinnik oqaluttuuartuullutik erlinnartut.

Ukiuni amerlasuuni nunasisunit oqaaserinngisatsinnik atsersuisimaneq qaangiukkiartulersoq uagut inuiattut atsersueriaatsitsinnik illersuisumik sinaakkusiiniarneq tapersersornarpoq.

Inuit Ataqatigiinnittaaq taperserparput atsersuinermit suut tunngavigalugit atuuttussatut akuersissuteqarsimanerup tamanit takuneqarsinnaanissaa.

Aamma paasinarpoq atsiiniarnerit tamaasa kommunalbestyrelsep oqaaseqartinnissaa pisariaarutissammat, taamaattorli pisariaqartillugu sulii tusarniarneqarsinnaallutik.

Inuit Ataqatigiit pingaartitaraarput oqaatsitta ilisimatusarfigineqartuarnissaat, aammalu ilisimatusaatitut atorineqartarnissaat. Oqaatsivut eriagigatsigit taakkuninnga suliaqartut ilisimasaqarluarlutillu ilinniארлуarsimasuunissaat pingaartikkatsigut siunnersuut akueriumavarput.

Siuliani oqaluuserisatsinni oqaatsivut uteqattaarumanagit taama naatsumik tapersiivugut.